

Útkomið í A-deild Stjórnartíðindanna 1948.

Bráðabirgðalög um skattfrelsi vinninga o. fl. varðandi happdrættislán ríkissjóðs, undirskrifuð af forsetanum 17. ágúst 1948, nr. 71.

Bráðabirgðalög um breyting á lögum nr. 28 23. apríl 1946, um virkjun Sogsins, undirskrifuð af forsetanum 23. september 1948, nr. 72.

Forsetabréf um að reglulegt Alþingi 1948 skuli koma saman til fundar mánudaginn 11. okt. 1948, undirskrifað af forsetanum sama dag, nr. 73.

Reglugerð fyrir veðdeild Landsbanka Íslands um útgáfu á 14. flokki bankavaxtabréfa, samkvæmt lögum nr. 94 9. júlí 1941, um heimild fyrir veðdeild Landsbanka Íslands til að gefa út nýja flokka bankavaxtabréfa, undirskrifuð af fjármálaráðherra 15. júní 1943, nr. 74.

Reglugerð fyrir veðdeild Landsbanka Íslands um útgáfu á 15. flokki bankavaxtabréfa, samkvæmt lögum nr. 94 9. júlí 1941, um heimild fyrir veðdeild Landsbanka Íslands til að gefa út nýja flokka bankavaxtabréfa, undirskrifuð af fjármálaráðherra 25. apríl 1944, nr. 75.

Reglugerð fyrir veðdeild Landsbanka Íslands um útgáfu á 16. flokki bankavaxtabréfa, samkvæmt lögum nr. 55 3. marz 1945, um heimild fyrir veðdeild Landsbanka Íslands til að gefa út nýja flokka bankavaxtabréfa, undirskrifuð af fjármálaráðherra 26. nóvember 1946, nr. 76.

Reglugerð fyrir veðdeild Landsbanka Íslands um útgáfu á 17. flokki bankavaxtabréfa, samkvæmt lögum nr. 55 3. marz 1945, um heimild fyrir veðdeild Landsbanka Íslands til að gefa út nýja flokka bankavaxtabréfa, undirskrifuð af fjármálaráðherra 2. febrúar 1948, nr. 77.

Bréf félagsmálaráðuneytisins til sýslumannsins í Skagafjarðarsýslu, um skiptingu Hofshrepps í tvö hreppsfélög.

101
15. okt.

Samkvæmt beiðni hreppsnefndar Hofshrepps og meðmælum sýslunefndar Skagafjarðarsýslu, um skiptingu Hofshrepps í tvö hreppsfélög, vill ráðuneytið hér með, samkvæmt sveitarstjórnarlögum nr. 12 31. maí 1927, skipa svo fyrir, sem hér segir:

1. Hofshreppi í Skagafjarðarsýslu skal skipt í tvö hreppsfélög, er nefnast Hofshreppur og Hofsóshreppur. Hreppamörk hinna nýja hreppa eru, sem hér segir: Að vestan ræður sjórinn frá Grafarósi norður, þar til landamerki Þönglaskála og Bæjar koma í sjó. Þaðan ráða að norðan landamerki Þönglaskála og Bæjar. Að austan ráða landamerki Þönglaskála, þar til komið er að landamerkjum Þönglaskála og Nausta. Þaðan ræður merkjum vestur-jaðar Hofsósskógar, suður að Þjóðveginum að Hofi (Unadalsveg). Þaðan ræður bein merkjalína frá áður nefndum Þjóðvegi (vestanvert við mjólkurpall frá Hofi) um 4. símastaur frá Hofi, talið frá landssímalínu, suður yfir Hofsá að hreppsveginum, á syðri gilbarmi Hofsár og fylgja merkin veginum austur að svonefndu Hofskerðissíki, sem rennur í Hofsá neðst á Hofseyrum og er jafn framt syðsti og elzti farvegur árinna. Ræður þá Hofskerðissíki austur á móts við landamerki Ártúns og Nýlendis. Þaðan ræður bein lína suður flóann eftir landamerkjum Nýlendis og Ártúns að Grafará. Grafará ræður mörkum að sunnan til sjávar.

Skylt er hreppsnefndum beggja hreppa að koma upp innan árs greinilegum merkjum hæfilega mörgum, meðfram vesturjaðri Hofsskógar suður að Þjóð-

101
15. okt.

- veginum að Hofi, og enn fremur þaðan suður yfir Hofsá að Hofsgærðissíki. Kostnaður við uppsetningu merkjanna greiðist eftir skiptitölu hreppanna, en viðhald þeirra eftir það hvílir á Hofsóshreppi.
2. Eignum Hofshrepps, er til skipta koma, skal skipta á milli hreppanna þannig, að $\frac{2}{5}$ hlutar falli til Hofshrepps og $\frac{3}{5}$ hlutar til Hofsóshrepps.
 3. Framfærsla styrkþega skiptist eftir lögheimili, en framfærsla, er úrskurðuð kann að verða á hinn forna Hofshrepp, skiptist eftir hlutfallstölunum $\frac{3}{5}$ og $\frac{2}{5}$.
 4. Elli- og örorkustyrkþegar tilheyri hinum nýju hreppum, eftir því sem þeir eiga lögheimili.
 5. Um skiptingu fasteigna fer sem hér segir:
 - a. Hofsóshreppur tekur við öllum skuldum, eignum og skuldbindingum hins forna Hofshrepps vegna hafnarsjóðs Hofsóshafnar.
 - b. Þinghús í Hofsósi (barnaskólahús) sé sameign þannig, að Hofsóshreppur eigi $\frac{1}{2}$ og Hofshreppur $\frac{1}{2}$. Viðhald og endurbætur skiptast eftir sömu hlutföllum.
 - c. Hofsóshreppur fær húseignina Breiðaból í Hofsósi, og greiðir til Hofshrepps $\frac{2}{5}$ hluta af bókfærðu verði.
 6. a. Hreppsvegasjóður, sýningarsjóður, innstæða í Söfnunarsjóði Íslands og Sparisjóði Sauðárkróks falli óskiptir til Hofshrepps.
 - b. Húsbyggingarsjóður vegna barnafræðslu skiptist þannig, að Hofshreppur fær $\frac{2}{5}$ hluta, en Hofsóshreppur $\frac{3}{5}$ hluta. Hið sama gildir um húsmuni og kennsluáhöld skólans.
 - c. Ábyrgðir, er hinn forni Hofshreppur hefur tekið á sig vegna einstaklinga, skiptast eftir lögheimilum þeirra, þegar skiptin fara fram.
 - d. Útistandandi skuldir og eftirstöðvar, er skipti fara fram, skiptast eftir hlutföllum þannig, að Hofshreppur fær $\frac{2}{5}$ hluta og Hofsóshreppur $\frac{3}{5}$ hluta.
 7. Hofshreppur og Hofsóshreppur taka að sér skuldbindingar gagnvart læknishústaðnum á Hofsósi, hlutfallslega við aðra hreppa læknishéraðsins.
 8. Fjallskil og refaeyðing á afrétti skal vera sameiginleg, þar til hreppsnefndir ákveða annað, með samþykki sýslunefndar Skagafjarðarsýslu. Um mál upprekstrarfélagsins skal fara þriggja manna nefnd, og kýs hreppsnefnd Hofshrepps tvo menn í nefndina, en hreppsnefnd Hofsóshrepps einn mann.
 9. Bókasafn Lestrarfélags Hofshrepps sé sameign og greiði hver hreppur framlag á móti rikissjóði í hlutfalli við meðlimatölu hvers árs eftir búsetu.
 10. Bækur og skjöl hins forna Hofshrepps verði eign Hofshrepps, en hreppsnefnd Hofsóshrepps skal hafa aðgang að þeim eftir þörfum.
 11. Aðskilnað hreppanna skal miða við 1. jan. 1948. Framkvæmd skipta á eignum, skuldum og skuldbindingum annast hreppsnefndir hinna nýju hreppa.

Reksturskostnað Hofshrepps hins forna fram til 1. apríl 1948 greiði hinn nýi Hofshreppur að $\frac{2}{5}$ hlutum og Hofsóshreppur að $\frac{3}{5}$ hlutum.

Verði ágreiningur út af skiptunum skal úr honum skorið af sýslunefnd Skagafjarðarsýslu.

Þetta tilkynnist yður hér með, herra sýslumaður, til frekari aðgerða og birtingar að við viðbættu, að með framangreindri fyrirskipan er engin breyting gerð á hinum forna Hofshreppi sem dómpinghá né manntalsþinghá.